

Daftar kaki bersimen

Shahrinnahar Latib
 am@hmetro.com.my

Kuantan

Walaupun terpaksa menggunakan kerusi roda untuk bergerak akibat kemalangan Julai lalu, ia tidak matakahkan semangat Khairul Ikhwan Ahmad Zaini mendaftar sebagai penuntut baru di Universiti Malaysia Pahang (UMP), di sini, semalam.

Dengan kakinya masih bersimen, Khairul Ikhwan, 19, dari Skudai, Johor, terpaksa ditolak petugas UMP bagi melakukan segala urusan pendaftaran.

Kemalangan pada 19 Julai itu mengakibatkan kaki kirinya patah selain mengalami kecederaan dalaman hingga terpaksa dirawat di wad hampir seminggu.

Khairul Ikhwan ketika ditemui berkata, walaupun malu mendaftar berikutan keadaannya itu, namun dia tetap gagahkan diri datang bagi membolehkannya memasuki universiti yang menjadi idamannya.

“Memang pilihan pertama saya UMP, Alhamdulillah sa-



FAKTA
 Seramai 2,153 penuntut baru terdiri daripada calon STPM, diploma dan matrikulasi

KHAIRUL Ikhwan dibantu petugas mendaftar sebagai pelajar baru UMP, semalam.

ya dapat apa yang saya pilih. Terima kasih kepada semua pihak terutama ibu bapa yang banyak memberikan sokongan moral.

“Saya akan buat yang terbaik dan memastikan segala pengorbanan ibu bapa selama ini dapat dibalas,” katanya menyambung pengajian dalam Ijazah Sarjana Muda Kejuruteraan Perisian.

Sementara itu, Naib Canselor UMP Profesor Datuk Dr

Daing Nasir Ibrahim berkata, seramai 2,153 penuntut baru terdiri daripada calon Sijil Tinggi Persekolahan Malaysia (STPM), diploma dan matrikulasi menerima tawaran kemasukan pengajian bagi sesi akademik 2016/2017.

Katanya, daripada jumlah itu, 896 lelaki manakala 1,257 perempuan dengan 25 program ditawarkan di kampus Gambang dan Pekan.

“Mereka juga berpeluang

memohon biasiswa UMP yang buat kali pertama diperkenalkan tahun ini menerusi dana MyGift.

“Mahasiswa mempunyai latar belakang keluarga miskin, tetapi memiliki keputusan cemerlang untuk meneruskan pengajian di UMP serta memenuhi kriteria dan memenuhi syarat kelayakan asas dan juga khusus ditetapkan universiti layak memohon dan menerima bantuan yuran pengajian mereka,” katanya.